



Entidade Local Menor de Bembrive

ACTA DA SESIÓN EXTRAORDINARIA DA XUNTA VECIÑAL NÚM. 2/2021, DO DIA 30 DE MARZO DE 2021

Na sede da Entidade Local Menor de Bembrive, sendo ás vinte horas e dezasete minutos do martes día 30 de marzo de 2021, previa convocatoria de sesión extraordinaria realizada pola Alcaldía mediante Resolución de 25 do mesmo mes, reúnese a Xunta Veciñal, baixo a Presidencia do Alcalde-Pedáneo, D. Marcos Castro González, asistindo os seguintes vocais:

D ^a . Patricia Otero Carrera	PSdeG – PSOE
D. José González Domínguez	PSdeG – PSOE
D ^a . Antía González Fernández	PSdeG – PSOE
D. Manuel Costas Costas	PSdeG – PSOE

Asiste á sesión, en calidade de secretaria da Corporación, D^a. Patricia Alvarellos Leis.

A continuación, procédese ao obxecto da sesión o tratamento e resolución dos seguintes puntos da

ORDE DO DÍA

ORDE DO DÍA

I. PARTE RESOLUTIVA:

1. **Actas anteriores:**
 - Núm. 1/2021, do 25 de febreiro de 2021.
2. **Proposta da Alcaldía-Pedanía de levantamento de reparo suspensivo para o pago de xuros por importe de 9.400,44 € (Sentenza núm. 200/2019 ditada polo Xulgado Contencioso-Administrativo núm. 1 de Vigo o 11/06/2019 na execución definitiva 0009/2021 do P.O. 247/2018, promovido por “Atlántica de obras y medio ambiente, S.L.” e Decreto de 26.02.2021 do mesmo Xulgado), expte. 41/2018.**

II. PARTE DE CONTROL:

3. **Dar conta da resolución de aprobación do Convenio de colaboración entre a Deputación de Pontevedra e as entidades locais da provincia de Pontevedra para a “implantación, formación, soporte e mantemento dunha solución de administración electrónica”, que ten por finalidade dar continuidade ao servizo de administración electrónica e adhesión ao establecido no citado convenio (Expte. 2020036145), expte 68/2020.**

Acta da sesión extraordinaria da Xunta Veciñal núm. 2/2021, do 30.03.2021



Entidade Local Menor de Bembrive

Ábrese a sesión polo Sr. Alcalde Pedáneo á hora arriba indicada.

Acto seguido, procédese ao tratamento dos puntos da ORDE DO DÍA:

1. Actas anteriores:

- Núm. 1/2021, do 25 de febreiro de 2021.

Sometida á consideración da Xunta Veciñal o borrador da acta da sesión citada, distribuída coa convocatoria desta sesión, e ao non producirse intervencións, declárase aprobada por unanimidade dos asistentes.

- 2. Proposta da Alcaldía-Pedanía de levantamento de reparo suspensivo para o pago de xuros por importe de 9.400,44 € (Sentenza núm. 200/2019 ditada polo Xulgado Contencioso-Administrativo núm. 1 de Vigo o 11/06/2019 na execución definitiva 0009/2021 do P.O. 247/2018, promovido por “Atlántica de obras y medio ambiente, S.L.” e Decreto de 26.02.2021 do mesmo Xulgado), expte. 41/2018.**

Dase conta da proposta do Sr. Alcalde-Pedáneo de data 25 de marzo de 2021, co seguinte contido:

“En relación ao expediente de pagamento dos xuros derivados da execución definitiva núm. 0009/2021 no P.O. 0247/2018 promovido por “Atlántica de obras y medio ambiente, S.L.”, emítase proposta en base aos seguintes

ANTECEDENTES DE FEITO

PRIMEIRO. – Que sendo firme a sentenza recaída nos autos referenciados, esta Entidade Local Menor de Bembrive foi requerida por Decreto de 26 de febreiro de 2021 a aboar á recorrente o pago de xuros legais, ascendendo a contía de 9.400,44 €.

SEGUNDO. - Con data 25 de marzo de 2021 emitiuse informe por parte da secretaria-interventora, que obra no expediente interpoñendo reparo suspensivo por carecer de consignación orzamentaria a nivel de vinculación xurídica esrecollida na Base 6ª das de Execución do Orzamento.

LEXISLACIÓN APLICABLE

- Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais (TRLRFL).
- RD 424/2017 do 28 de abril, polo que se regula o réxime xurídico do control interno nas entidades do Sector Público Local (RD 424/2017).
- Lei 29/1998, do 13 de xullo, reguladora da Xurisdición Contencioso-administrativa (LXCA).

Acta da sesión extraordinaria da Xunta Veciñal núm. 2/2021, do 30.03.2021



Entidade Local Menor de Bembrive

Por elo, visto o informe da secretaria-interventora de data 25 de marzo de 2021 que obra no expediente, dispoño que pase este para o seu debate e aprobación na vindeira sesión da Xunta Veciñal que se celebre, coa seguinte:

PROPOSTA DE ACORDO

PRIMEIRO. – Levantar o reparo da Secretaria-Interventora.

SEGUNDO.- Levantar a suspensión da tramitación do expediente esixida polo artigo 216 do R.D. Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

TERCEIRO.- Facultar ao Alcalde para ordear o pago inmediato da citada cantidade con cargo á conta non orzamentaria de “Pagos pendentes de aplicación” (conta 40001 non presupostaria) en tanto non se dispoña do crédito no orzamento da Entidade e unha vez aprobada a modificación de crédito que proceda aplicar os pagos realizados ao Orzamento saldando a conta 555.

Non obstante, a Xunta Veciñal acordará o que estime pertinente.”

.....

Conclusións do Informe de Intervención do 25.03.2020, no que se interpón reparo:

“Non existe crédito adecuado e suficiente a nivel de vinculación xurídica dos créditos (Área de Gasto/Capítulo) recollida na Base 6ª de execución dos Orzamentos da ELM de Bembrive, e se formula reparo por tal motivo e se advirte da improcedencia do seu pago con base nos argumentos descritos nos puntos dos antecedentes e fundamentos xurídicos sinalados.

O citado reparo ten carácter suspensivo e corresponde á Xunta Veciñal resolver a discrepancia de conformidade cos artigos 217.2 a) do TRLRFL e 15.2 a) do Real Decreto 424/2017, de 28 de abril, polo que se regula o réxime xurídico de control interno nas entidades do Sector Público Local.

- Os ordenadores de gastos e pagos serán persoalmente responsables de todo gasto que autoricen e de toda obrigación que recoñezan, liquiden ou paguen sen crédito suficiente, como ocorre neste caso.

- Estes gastos xerarán un incremento da necesidade de financiación aos efectos da Lei Orgánica 2/2012, do 27 abril, de Estabilidade Orzamentaria e Sustentabilidade Financeira”.

.....

Non se producen máis intervencións.

ACORDO: Sométese o asunto a votación, resultando que por unanimidade dos cinco membros presentes (do Sr. Alcalde-Pedáneo e dos vocais, Sra. Otero Carrera, Sr.

Acta da sesión extraordinaria da Xunta Veciñal núm. 2/2021, do 30.03.2021



Entidade Local Menor de Bembrive

González Domínguez, Sra. González Fernández e Sr. Costas Costas), acórdase aprobar a proposta tal como quedou anteriormente transcrita.

II. PARTE DE CONTROL:

3. **Dar conta da resolución de aprobación do Convenio de colaboración entre a Deputación de Pontevedra e as entidades locais da provincia de Pontevedra para a “implantación, formación, soporte e mantemento dunha solución de administración electrónica”, que ten por finalidade dar continuidade ao servizo de administración electrónica e adhesión ao establecido no citado convenio (Expte. 2020036145), expte 68/2020.**

Dase conta da resolución do Sr. Alcalde-Pedáneo do 18.03.2021, co seguinte contido:

“O día 20.09.2017, a Entidade Local Menor de Bembrive aprobou a proposta da Alcaldía de adhesión ao convenio de colaboración entre a Deputación de Pontevedra e os concellos cunha poboación inferior a 50.000 habitantes para a implementación do proxecto “servizo de administración electrónica para concellos e entidades locais.

O 29.10.2020, a Xunta Veciñal desta Entidade adoptou o seguinte acordo:

“Primeiro: A aprobación da II addenda do Convenio de colaboración entre a Deputación de Pontevedra e os concellos da provincia cunha poboación inferior a 50.000 habitantes para a implantación do proxecto “Servizo de administración electrónica para concellos.

Segundo: Remitir unha copia da devandita aprobación, ao servizo de Novas Tecnoloxías (a través da sede electrónica da Deputación de Pontevedra), para proceder á sinatura da II addenda antes do vencemento da actual vixente.”

O 04.02.2021 recibíuse notificación do seguinte acordo da Xunta de Goberno da Deputación Provincial na súa sesión do 16 de outubro de 2020:

“20.29439.- APROBACIÓN DO CONVENIO DE COLABORACIÓN ENTRE A DEPUTACIÓN DE PONTEVEDRA E AS ENTIDADES LOCAIS DA PROVINCIA DE PONTEVEDRA PARA A “IMPLANTACIÓN, FORMACIÓN, SOPORTE E MANTEMENTO DUNHA SOLUCIÓN DE ADMINISTRACIÓN ELECTRÓNICA”. (Expte.2020036145): (...)

CLÁUSULAS

Primeira. Obxecto do convenio:

Este convenio ten por obxecto regular a colaboración entre a Deputación de Pontevedra e Entidade local de [o] para a implantación, formación, soporte e mantemento dunha solución de administración electrónica para as entidades locais da provincia de Pontevedra, co obxectivo de asegurar o cumprimento da normativa básica en administración electrónica a través do acceso e uso das ferramentas tecnolóxicas.

Acta da sesión extraordinaria da Xunta Veciñal núm. 2/2021, do 30.03.2021



Entidade Local Menor de Bembrive

Segunda. Ámbito subxectivo:

As entidades locais beneficiarias das actuacións previstas no presente convenio serán:

- As entidades locais adheridas ao precedente Convenio de colaboración entre a Deputación de Pontevedra e os concellos da provincia cunha poboación inferior a 50.000 habitantes para a implantación do proxecto "Servizo de administración electrónica para concellos".*
- Os concellos da provincia de Pontevedra, cunha poboación inferior a 20.000 habitantes, que non formalizaran a súa adhesión ao devandito convenio.*

Terceira. Alcance da solución de administración electrónica:

É alcance do presente convenio a posta a disposición, formación e mantemento dunha plataforma de tramitación electrónica que permitirá ás entidades locais da provincia dispor dunha sede electrónica personalizada para a relación coa cidadanía e dun portal de tramitación para as persoas traballadoras das entidades locais da provincia que facilitará a xestión integral dos procedementos e expedientes por medios electrónicos.

Deste xeito, a solución posibilita a realización electrónica de calquera trámite dun procedemento administrativo, a xestión documental integramente electrónica dos documentos da xestión viva do expediente, archivar electronicamente, garantir un funcionamento electrónico interno e traballar de forma coordinada e interoperable con outras Administracións.

Ademais, será alcance do servizo:

- A migración da información, a implantación, a parametrización e a posta en marcha de todos os módulos que forman parte do servizo de administración electrónica. Desta maneira porase ao disposición do persoal técnico dos concellos unha xestión electrónica de expedientes e unha sede electrónica para as e os cidadáns.*
- A xestión do cambio e formación para que o persoal da entidade local poida coñecer adecuadamente o contido dos servizos incluídos neste proxecto.*
- O soporte e mantemento correctivo e de adaptación e seguimento desde o momento de posta en produción e durante todo o período de garantía de proxecto que garantan a corrección de incidencias e a actualización e inclusión de novas funcionalidades.*

Cuarta. Obrigas da Deputación de Pontevedra:

A Deputación de Pontevedra comprométese ao seguinte:

- 1. A implantación e parametrización na entidade local dos servizos que require o proxecto de implantación, formación, soporte e mantemento dunha solución de administración electrónica para entidades locais da provincia de Pontevedra.*
- 2. Respetar e protexer a confidencialidade dos datos propiedade dos concellos adoptando as medidas de seguridade que sexan necesarias para tal fin garantindo o cumprimento na normativa básica de protección de datos de carácter persoal.*
- 3. Favorecer a formación e proporcionar o material necesario para que o persoal da entidade local poida coñecer adecuadamente o contido dos servizos incluídos neste proxecto.*
- 4. Comunicarlle a entidade local calquera modificación na prestación dos servizos de administración electrónica debida a cambios tecnolóxicos ou legais.*

Quinta. Obrigas da entidade local:

A entidade local comprométese ao seguinte:

- 1. Autorizar á empresa adxudicataria para que poida realizar todas as operacións necesarias para a implantación dos servizos enumerados no apartado anterior.*

Acta da sesión extraordinaria da Xunta Veciñal núm. 2/2021, do 30.03.2021



Entidade Local Menor de Bembrive

2. Nomear a unha persoa interlocutora única, que actuará como persoa de referencia ante o organismo provincial no desenvolvemento do proxecto de implantación, formación, soporte e mantemento dunha solución de administración electrónica para entidades locais da provincia de Pontevedra. Para estes efectos a persoa interlocutora identificará as persoas idóneas para cada servizo ou área para facilitar a organización de reunións, a execución das tarefas e a obtención dos datos necesarios para a Deputación e a empresa adjudicataria. A entidade local deberá comunicar, no prazo máximo de 5 días desde a sinatura do Convenio, quen é a persoa que actuará como interlocutora.

3. Pór a disposición da institución provincial e da empresa adjudicataria, no menor tempo posible e sempre nun prazo non superior a 10 días hábiles desde a súa solicitude, a información necesaria para facilitar a implantación da aplicación na entidade local.

4. Responder as consultas realizadas pola Deputación e a empresa adjudicataria no menor tempo posible, sempre nun prazo non superior a 7 días a partir da recepción da consulta.

5. Colaborar de maneira activa co organismo provincial e coa empresa adjudicataria nas visitas ás instalacións do Concello, así como na resolución das dúbidas que puidesen xurdir sobre a información obtida.

6. Conservar toda a documentación xustificativa das actuacións realizadas no ámbito do proxecto, en tanto poidan ser obxecto das actuacións de comprobación e control.

O prazo de xustificación das actuacións efectuadas con cargo ao proxecto subvencionado será dun mes para contar desde a finalización do prazo de execución das actividades previstas en cumprimento do alcance establecido na cláusula segunda do presente Convenio.

Sexta. Financiamento e réxime económico:

O custo total das actuacións obxecto do presente Convenio é de 480.099,17 euros, máis 100.400,83 euros (correspondente ao 21% de IVE) para facer un total de 578.500 euros por cada ano de duración do convenio, con cargo á aplicación orzamentaria 926.9260.227.06 do vixente Orzamento de Gastos.

Para o desenvolvemento das actividades previstas neste convenio as entidades locais deberán asumir o pagamento dunha contraprestación económica segundo o previsto no Modelo de contraprestación económica e criterios de distribución recollido como Anexo I. Este modelo ten carácter dinámico tomando como referencia o número de habitantes de cada concello na última actualización de poboación do Instituto Nacional de Estatística (INE).

A forma de liquidación será anual e as achegas económicas, segundo o previsto no Anexo I, deberán ingresarse na Tesoureira provincial no primeiro trimestre de cada exercicio nos prazos que se sinalen na liquidación que se notifique.

Sétima. Control e seguimento:

Para velar polo cumprimento do estipulado constituirase unha comisión paritaria de seguimento da execución do convenio, formada por dúas persoas representantes, unha por parte da Deputación de Pontevedra e outra por parte da entidade local, que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento. A composición desta comisión será a seguinte:

- Pola Deputación de Pontevedra, a persoa deputada provincial con competencias en materia de Administración electrónica, ou a persoa na que delegue.
- Pola entidade local, a persoa que exerza a súa Alcaldía ou Presidencia, ou a persoa na que delegue.

Acta da sesión extraordinaria da Xunta Veciñal núm. 2/2021, do 30.03.2021



Entidade Local Menor de Bembrive

A presidencia exerceraa a persoa deputada provincial con competencias en materia de Administración electrónica, ou a persoa na que delegue.

Nos casos de vacante, ausencia, enfermidade ou outra causa legal, a presidencia será ocupada pola persoa na que delegue.

Oitava. Modificacións do convenio:

As modificacións do convenio adoptaranse por acordo expreso e escrito das partes asinantes e de acordo cos trámites que esixa a normativa vixente.

En cumprimento do establecido no artigo 34.1 da Lei 14/2013, do 26 de decembro, de racionalización do sector público autonómico, o presente convenio poderá ser obxecto de modificación para o logro dos obxectivos de estabilidade orzamentaria e sustentabilidade financeira.

Novena. Resolución:

Este convenio resolverase polas causas e cos efectos establecidos nos artigos 51 e 52 da Lei 40/2015. En particular resolverase polo incumprimento, total ou parcial, dalgunha das cláusulas que o regulan.

Ademais, serán causas de resolución do convenio as seguintes:

- 1. Cumprimento da prestación dos servizos obxecto deste convenio.*
- 2. Cumprimento do prazo de vixencia.*
- 3. Imposibilidade sobrevida para o seu cumprimento.*
- 4. Acordo das partes asinantes despois dunha reunión da comisión de seguimento.*
- 5. Incumprimento das obrigas dunha das partes, comunicado de forma motivada por escrito con quince días de antelación. A resolución do Convenio por esta causa poderá dar lugar a indemnización dos danos e prexuízos causados.*

O réxime de obrigas e responsabilidades por incumprimentos que consten neste Convenio consideraranse instrumento axeitado para a determinación das correspondentes responsabilidades. En calquera suposto de resolución anticipada as partes comprométense a finalizar as actividades en curso.

Décima. Vixencia, duración e prórroga do convenio:

Este convenio terá unha vixencia dun (1) ano desde a do 1 de abril de 2021 e poderá prorrogarse de forma expresa a través da correspondente addenda, por períodos anuais ou inferiores, ata un máximo de catro (4) anos conforme ao disposto no artigo 49, letra h) da Lei 40/2015, do 1 de outubro, do Réxime Xurídico do Sector Público.

A tramitación, subscrición e efectos da prórroga que no seu caso se acorde efectuarase de acordo co previsto pola Lei 40/2015, do 1 de outubro, do Réxime Xurídico do Sector Público e co resto da normativa aplicable. (...)"

Por todo o exposto anteriormente, e de conformidade co que dispoñen os artigos 21.1 s) da Lei 7/1985, do 2 de abril, Reguladora das Bases do Réxime Local, 41 do R.O.F. e o artigo 159 da Lei de Administración Local de Galicia,

RESOLVO:

Primeiro: Aprobar o texto do “convenio de colaboración entre a Deputación de Pontevedra e a ELM de Bembrive para a implantación, formación, soporte e mantemento dunha solución de administración electrónica”, que ten por finalidade dar continuidade ao servizo de administración electrónica implantado mediante a

Acta da sesión extraordinaria da Xunta Veciñal núm. 2/2021, do 30.03.2021



*Entidade Local Menor
de Bembrive*

*formalización dun novo convenio, de conformidade ao acordo da Xunta de
Goberno da Deputación Provincial do 16 de outubro de 2020 e á documentación
recibida o 04.02.2021.*

*Segundo: Adherise ao establecido no citado convenio achegando a Carta de Adhesión
prevista como Anexo II.*

*Terceiro: Dar conta da presente resolución á Xunta Veciñal na vindeira sesión ordinaria que
celebre.”*

.....

Non se producen máis intervencións.

E non tendo outros asuntos a tratar, a Presidencia levanta a sesión sendo as 20.32 h. do
día indicado de todo o cal, como secretaria, dou fe.

Vº e pr. do Alcalde Pedáneo,

Asdo. Marcos Castro González



A Secretaria Interventora,

Asdo. Patricia Alvarellos Leis